

雙

硯

齋

詩

鈔

雙硯齋詩鈔卷九

江甯 鄧廷楨

食山藥

丙戌

雪霽看山分外妍何勞服餌去求仙
官衙頗有齋廚味日爇松毛煮玉延

食筍

食肉儷以筍不瘦亦不俗自來長安居
苦憶故園竹今朝客見貽妙比芻一束
斑斕繡似錦滑澤版如玉貓頭生始肥
犢角堅可觸凭几對山桃登盤配野蕮
千畝豈在胸半筍聊果腹噴飯作新詩
莫笑貧簞谷

憂旱

盼眼需雲遠，勞心解澤遲。
霖難求傳說，塵易污元規。
荒埵稀鳴鶴，高原漸坼龜。
天慳如肯破，尙可及農時。

不雨再作

天意兼旬未破慳，飛廉跋扈老龍頑。
雲行竟夕不遮月，塵起半空如挾山。
斗際浴狶占豈驗，淵中躍蜃事尤艱。
直須手挽銀河水，倒瀉平臯一解顏。

禱雨太白廟疊前韻

不愁天漏歎天慳，桃茆難驅旱魃頑。
新漲未生嶓冢水，靈湫先禱武功山。
心平能造和甘福，事急尤憐稼穡艱。

我與蒼生共憂樂望雲終日對孱顏

廿三日得雨二寸疊前韻

再三讀告澤猶慳造物還應笑我頑直恐揚塵到東海
漸看觸石起南山淋漓稍貸監河潤點滴眞同雨玉艱
三輔縣官飛騎報開緘差慰破愁顏

首夏絕句

夜雨長新陰綠雲滿深院山鳥噭一聲椿花落如霰

不寐二首

日日飲江水嚼然肝肺清倚樓望秋月難得此空明花
下鼻功德齋中心太平宵深念羣動脈脈繫吾情

雙硯齋詩鈔卷九

二

身世渺何極吾生亦漸衰觀書知弁陋閱事識艱危虎

虎扼榆塞

時西陲方用兵

哀鴻盈稻陂

鳳泗各屬霪雨爲災亟籌賑卹

擁衾獨

耿耿惆悵曙窗遲

謁包孝肅祠拜瞻遺像疏髯秀目白面書生也屬

太府汪君

霖

命工重摹敬題幀端

忠良號鐵面繁豈在顏色胡爲孝肅公相詫獨以黑譌傳及婦孺毋乃說憑臆我行過淝水遺像今始識睥面睹光充秉心亮淵塞髯戟疏不張頤雷垂自直赤棒聞傳呼白簡畏彈劾黃河清難俟青天淨如拭稜稜見霜威嶽嶽見風力匪惟結神契藉可辨羣惑生綃摹閭羅

大地滅鬼域南豐一瓣香庶幾永矜式

題管異之孝廉靈芝圖

不于空階阜帽斜忽看鼃采發枯槎不須名理參朝菌
應有新詩報木瓜芝生於木瓜枯根上珍比鄭庭書帶草豔如江
夢筆牀花他年奏賦長楊殿定與芝房頌並誇

與客夜坐

大觀亭上訪碑來勝友如雲各逸才膝欲穿牀耽蠹簡

管異之

語能驚座勸螺杯

陳薌浦表弟

六朝山好還祠廟

蔣

厓上

七里瀧清占釣臺

嚴鶴借世講

秋色十分江萬里不妨

懷抱一時開

小齋晏坐意有所得輒成韻語命曰八箴

蓬梗生麻中麻幪蓬自直蘭香雜榛際榛披蘭乃殖人
才自古難所貴別淑慝薰蕕使同器志士淚霑臆急爲
鋤邪蒿孤芳表絕特朝暮拔其尤相率振鱗翼賢者旣
奮飛中材自矜式平楚蕭可化山徑茅豈塞雖非陶冶
功或亦激揚力願言多君子雍容歌樂職

鷹能搏狡兔不可使伺鼠馬能鳴和鸞不可使逐虎造
物不齊物全才能幾許操刀漫使割所向輒齟齬芒頓
手亦傷棄之如糞土曷不量其材部勒使得所槃盂位
置宜庶事乃具舉大案而細桷良工心獨苦

水清則無魚人察則無徒爲政恃鉤距操術毋乃疏愛
憎出衆口言且人人殊因人以爲智或轉爲人愚不如
公生明使之情自輸較然是非心赤黑分烏狐良玉日
追琢安能掩瑕瑜古鏡日磨洗豈不辨施嫫小慧聖所
戒先覺賢非誣所以古名臣小事姑糊塗

聖王於鰥寡自云不敢侮胡弗云不忍而作此危語良
以窮無告天憾待人補苟其遇之虐適與造化忤充此
寅畏心何處著鹵莽勿謂民可愚隱微有聽睹勿謂民
可賤恩怨相爾汝惕若厲无咎茲訓式自古剛柔持以
平不茹亦不吐三命滋益恭吾爲偃僂俯

大江互南北民風如路歧或以強凌弱或以黠侮癡性
近乃習遠天限非人爲習慣成自然問之亦不知知之
又自諱忌人相瑕疵卽其自諱心可見同秉彝長官握
符來成見或預持有心與之忤束縛而驟馳誠信未浹
洽坦夷變險巇我求瘼索垢彼倒行逆施相持輒兩敗
轉益隳綱維豈知治有術貴在潛轉移強者性本直示
之以不欺黠者理易明感之以無私善用其所短因勢
利導之中孚格豚魚美俗臻雍熙

日日弄機杼千絲織成匹歲歲把鋤犁耕三必餘一不
求力勇猛但冀志專壹日計雖不足月計事已集義和

與結璘西沒東復出三百有六旬累黍不容失有爲亦
若是矻矻如不及精心無久暫健步泯舒疾大雅戒鮮
終尙書誦無逸勿以道阻長百里半九十

開堂說佛法本是沙門事達摩自西來了不立文字徒
習口頭禪已落第二義面壁可逕悟直造初祖地吾儒
秉治權何不解此意作誥民始疑流弊在叔季今日告
士民明日戒官吏語絮耳易聾文繁目轉噴況讀古人
書條理罔弗備吾今所云云未免牙後慧言者頗近名
應者亦滋僞不如以身教此法最簡易

蕭曹刀筆吏畫一尙知守矧彼老成謀立制百年久緣

其閱歷深益以思力厚本經參諸史用意定非偶後賢
務更張率爾肆紛糾創議似可喜變法毋乃苟雀躍方
拊髀狼顧已掣肘譬之縛袴兒自謂好身手野戰不師
古一閱遭擊掎先民有典型秩秩見綱紐今昔縱殊勢
十亦不失九竊幸南有車奚必東其畝

閱兵口號

廣場百步逐江開士馬歡騰畫角催天向一帆懸處曉
人從千騎上頭來兜鍪光耀春前雪鼙鼓聲喧蟄後雷
西望玉關烽火急安邊貔虎正須才

爲馬韋伯題湘帆圖

君之行旆不過黃陵廟遊屐不到青草湖胡爲荆關有
粉本滄染寫作湘帆圖豈不以文采如宋玉博謔如左
徒慕賈生之高躅跣聲叟之幽居逕欲攀杜若采薜蘿
纓蘭蕙衣芙蓉禹碑奇字訪嶽麓虞巡閱寢尋蒼梧帝
子瑤瑟激哀響君山峩髻迴清曠參差吹徹碧雲莫豐
隆騰上丹霞鋪灃瀟九派衡九面面面歎欲驪龍珠高
歌楚辭出金石眾靈雜還舟不孤我思張顧二生家南
徐

圖二幅一爲張夕庵作一
爲顧敬庵作皆丹徒人也

三江入海於茲爲尾閭不

畫吳山畫楚澤混茫一氣相委輸但見輕帆風利不得
泊彭郎小姑過眼如鷗鳬迎君來向金鼇頂上住翩然

閩風縹馬登蓬壺

五味詩同湘帆作

讀罷醫經識輒堅每因歎醢笑賓筵穿餘豹井人初去
引到羊車我亦憐曾記撒鹽輸柳絮可能斥鹵變桑田
會看潤下神功普大海潮平納百川

鹹

湓城竹影隔重重采過葑苳第幾峯匏葉歌成公欲渡
蓮心擘破妾無憐濟人良藥山中滿渡世慈航海上逢
莫道葦茶非樂土千秋此縣產猶龍

苦

醢雞舞甕感升沈薄薄卮醪手自斟寒逼丁年名士氣
歌殘子夜美人心棗名梁地頻懷古梅說曹公直到今

紙帳宵深風刺骨有人擁鼻尙微吟 酸

曲阿邨裏舊知名臭味同時合配腥偶見蚨飛思晚饌
爲懲蜂螫訪前型蔬盤妙品當春薦齏白新詞入夜聽
我是天生薑桂性直須拔薤播芳馨 辛

滌髓新詞蕙蒲邊紅鹽如屑醴如泉和風暖送周京雨
仙露祥書漢帝年蔽芾棠陰傳眾口從容蔗境到華顛
不須崖蜜誇回味稼穡功多誦大田 甘

陳石士題管異之經說句云龍眠家法憑誰嗣此
似禪宗有惠能我媿止如秀上座傳衣終付確
房僧石士此詩所謂詞若有憾而意實深喜者

若楨則真無能爲役也請下一轉語

幾年說法從宏忍明鏡菩提我未能舍衛城中空乞食
匆匆止類打包僧

汪子熙燁學博將歸歛以詩留別次韻送之

三年重見漢陂岑翦燭西窗意轉深鼎鼎榮名儒者事
星星華髮故人心爲傳青簡頻流涕

君之來蓋因大父以經學入省志故

苦憶黃山又入林相約桃花春水下扁舟來櫂皖江潯

異之連夕不寐而作論書詩不能自休賦長句規
之

幽窗風露夜淒緊布被生稜玉蟲隕睡鄉遠在天一涯

牀下諸君去連軫詩魔獨溷乃公事牽率老夫故相窘
莊生胡蝶韉不得滿眼秋蛇與春蚓上溯永和闢門徑
下逮元豐破畦畛家雞野鷺徒紛拏燕瘦環肥自平允
雙眸炯炯爛巖電獨繭抽絲妙機引惜無佳麗膝能記
更起披衣豪重吮好句雖能琢肺肝苦思奚自交心腎
朝來目眩頭岑岑閉戶抄詩待醫診雕蟲本非壯夫事
曷不保身試磨盾管子管子毋爾爲長固元精守元牝

謁余忠宣公祠

六載嬰城不救危緋袍喋血大江湄竭來清水塘邊路
如見西陵戰敗時

元史比之
卞忠貞

智井一家沈毅魄朔風千

集石齋詩金
古黠靈旗老臣曳履司香火應悔僧寮引決遲

與湘帆射異之有詩依韻和之

萬騎征西著鐵衣禁中頗牧秉旄揮書生骨相非猿臂
也學南山射虎歸

夜讀仿陸放翁長歌行和異之韻

少小意氣吞長鯨蹴踏欲剗君山平壯歲琅嬛讀東觀
靜夜鈴索聽西清無端隼旟走俗狀每披蠹簡含深情
論心喜逢阜帽客把臂來問黃山程東井德星聚三五
南邦舊雨皆平生斐然韓蘇濡大筆奧如服鄭傳遺經
狂歌逕欲撼鬪霍奇績忽憶馳風霆天山擐甲狼豕笑

謂征客什

噶爾諸公瀛海飛礮蛟鼉驚

謂平叔宮保

魏擁雙旌值清晏

空有萬卷相摺撐提封錯繡春江暖會把龍韜按部行

將以來春巡閱

疊前韻贈異之兼索湘帆平甫和

管子琢句瓊瑤瑛長歌一曲心太平狂呼墮幘魄欲盪
曼聲赴節神爲清謂從龜堂拓粉本天風海水能移情
如啖楊梅過項里恍斟美酒來烏程高人頗慕南郭氏
歲星誰識東方生繁傅四子講德論旁及九辯離騷經
和者幾輩各飛雪聽之寒夜疑奔霆頻添煩豪意飛動
不慮肉眼心忤驚敲日忽作玻璃響探海喜見珊瑚撐

消寒九九會方永約君更作短歌行

湘帆疊前韻見贈再疊奉答

我初識君在綺齡食牛虎氣殊未平鴻文恣肆不受範
長江大河安能清後來小變中繩尺強就羈勒非其情
江山得助發奇想朗吟遠上計吏程嘔心酷似錦囊句
下者猶爲樊南生前年歸來自春明館君萬竹兒執經
今年布帆挂皖口名刺徹耳如春霆射蛟臺上縱歌嘯
波濤澎湃魚龍驚五雲多處瀛洲亭皆翰林院
署題額正待斯
才來挂撐仙吏漫詡雙鳧輕勿逐毛生捧檄行時以勝
錄敘勞

例得
知縣

西師

蠕蠕蟲豸鬪玄膺冰雪天山尙荷戈電掃花門馳汗馬
風寒草地走明駝未聞苞蘖能支廈豈有羆貔敢據河
傳語西人須破膽

禁中久已出廉頗

雙硯齋詩鈔卷九終

雙硯齋詩鈔卷十

江甯 鄧廷楨 嶰筠

湘帆四十生日作自訟詩賦此奉贈卽以爲壽

亥

知過能自訟聖門已罕覩君獨具冲抱內省若有疚與
君投分深敢不貢迂陋君才八斗儲君學三篋富振采
錦段鮮負聲金石奏行年今四十已是聞道候躬躬如
畏然豈但詡英茂先民亦有言斂退新懦就客氣剽以
輕內心重乃厚行當陟玉堂亦不綰墨綬沈幾在淵默
肩事在馳驟樂山有眞性是爲仁者壽

憎烏鴉

善鳴假之鳴天意隨人好胡爲生此輩百醜無一妙假
義救質子虛名託陽曜乘遁集空幕屬厭伺神廟駭蠢
逾諸蠻獷橫似羣盜爭巢鳩亦避攫食鷗絕肖園林方
春和豔冶花四照珍禽正繁會厲響獨評噉努力學一
鳴盡氣號萬竅非時亦亂嘯無理但取鬧如聞金絲奏
更雜玉釜調如與嬌嬈語忽來悍婦譟如入騁駟羣亂
以蹇驢叫如觀魚龍戲參以怒蛙越北人或喜聞吉凶
能預報悔吝生乎動安用汝屢告有時供畫本或亦作
詩料刻畫到無鹽毋乃嗜痴誚擬乞羽蟲長同仇爲除

暴搏擊遣蒼鷹磔裂縱花鵲渠魁付烈山羽翼界荒嶠
惡聲息紛拏幽室釋矜躁聞雞劉琨舞似鳳孫登嘯鶯
燕弄青春相逢一粲笑

送湘帆赴漢陽省覲

岷峨春漲遠浮天君正南遊雁北旋細雨帆開彭澤縣
東風人上漢江船客途暗數棠花發親舍兼逢棣萼聯
芳草晴川無限思後生應不畏前賢

送異之歸里營葬

夫君不但號書淫至性觥觥夙所欽文行兩端千古事

孝慈三世百年心

異之述少時孤露事作
寒鐙課讀圖乞言悔內

江花江草歸

人路春雨春風遠道陰我媿題辭猶宿諾

異之屬題圖
尚未報命

踏歌情比綠波深

悼亡

寶鏡收奩簾竟牀風風雨雨助迴腸微之空說能營奠
騎省無端又悼亡百裏蓀苓終罔濟中年絲竹亦堪傷
從今長抱幽憂疾霜鬢千莖淚萬行

仙方神識費疑猜直到彌留意始灰春盡蘼蕪空悵望
月明環珮可歸來親朋問病書猶達婢媼懷恩哭亦哀
阿母離塵先半月料應揮涕向泉臺

外姑李恭人以
三月三日下午世

有悼

颯颯西風細雨收傷心暝日入高樓花飛別院鶯唬夢
泥洹空梁燕絮愁觸目屏帷悲幻景側身天地感浮漚
有情縱許同圓覺無奈催人已白頭

讀陸祁孫遊仙詩戲效四首

上清遣將賦同仇齊建招搖五色旂十萬鸞龍吟嘯處
前軍已報斬蚩尤

玉皇有詔餉天兵鍊石燒金咳唾成六甲六丁聽號令
一時齊學御風行

仙官奉敕下三台博望乘槎八月來要挽銀潢歸左界
直教清淺到蓬萊

雙石齋詩集卷一
天困星宿隔紅牆飛渡誰傳御氣方玉蕊青精三萬斛
好憑雲鶴貢東皇

偶成

麥秋天氣有餘清循覽庭階見物情細筍自尋牆隙出
新苔欲逼榻間生雙飛試翦惟輕燕獨坐調簧是曉鶯
掇拾未妨成妙諦閒吟原不競詩名

端憂

端憂多暇一憑闌風物駸駸激箭湍江上野梅迎夏熟
淮南秀麥入秋寒傷春人與鶯花老感逝心如鐵石難
未必清狂能自遣枯禪寂對炷香殘

悒鬱無理乃作偈言

人天是處多煩惱慧業何妨定後參不礙維摩頻示疾
欲求彌勒與同龕蓮因清淨原堪證桑下棲遲未許耽
竟作毗耶居士老一鐙相對繡瞿曇

贈平甫次吳長卿茂才

夢筆韻

年少知君已不廉餘才尙可十人霑過臨卽市從酤酒
上太行山止負鹽水部終當逢沈范金門定許匹徐嚴
連朝狹巷兵相接看爾縱橫掃筆尖

奉酬長卿疊韻見贈

一榻青氊獨養廉翛然不遣絮泥霑名心猶自親藜火

生計從他雜米鹽
斫桂斧斤含馥遠
班荆編紵擇交嚴
射蛟臺上騰清嘯
響徹遙山第幾尖

又悼

無計觀空散鬱陶
聲聞未斷總蕭騷
林間暮雨唳姑惡
江上西風送伯勞
寫怨劇思紉楚佩
割愁何處覓并刀
欲從網戶招魂去
獨對青天首重搔

與異之鳳洲平甫湘帆說雙聲疊韻戲拈十首

欲爲雙聲溯邃初
虞廷賡拜已權輿
股肱叢脞分明在
不是人間未見書

股肱叢脞
皆雙聲

信手拈來字字宜
宗風大暢是風詩
參差窈窕關雎始

開卷先成絕妙辭

差古讀若磋參差雙聲窈窕疊韻

命名最古是臯陶

臯左傳哀二十一年齊歌以韻憂陶詩經以韻抽囚非如今讀也

士分行韻易調

夜古讀豫夏古讀護隨古讀徐禾切駟古讀渦若考職官稽漢

代將軍惟有霍票姚

音義相生訓詁興許君的的有師承天顛旁溥皆堪例

傳與千秋無盡鐙

說文解字多以雙聲疊韻為訓如一部之天顛也疊韻也二部之旁溥也

雙聲也

宿留曾聞海上過小顏音義未應譌便教坡老傳藍本

譜入西山招鶴歌

宿先就反留力就反師古漢書注也東坡放鶴亭記以留韻飽本此

愚魏衰收殊虐諱官家恨狹記前聞雙聲愛殺春風婢

宅第能呼郭冠軍

宅古讀若託宅第亦雙聲

王郎序擅滕王閣已矣邱墟屬對妍

邱古讀若欺已矣疊韻邱墟雙聲

底事洪州老都督止驚秋水共長天

錯落雕鏤語易明

雕從佳周聲

崑崙屈戌本天成拈將獺祭

豬都句始識樊南韻學精

獺從犬賴聲入曷韻古音上三祭十二曷同為一部則獺

祭亦疊韻矣以豬都疊韻作對其精如此下一聯點對雙聲搜求疊韻

五字詩家愛博搜故將郭索儷鉤輊

郭索鉤輊後人譏其用替代字此自

論詩耳若言聲韻則四字疊韻為的對矣然古音鉤人侯輊入幽截然兩部則所謂疊韻者乃唐韻非古也

四言三疊開新樣蚤有甌窰祝滿葦

虞侯兩部論紛紜顧我拘牽異舊聞

亭林詩本音改侯就虞頗多穿鑿當

以孔昇軒段懋
堂之說爲正
解識姬隅音近古莫將蠻語誚參軍
隅讀偶平聲與姬爲疊韻故說文隅隅二字相轉注也

贈丹徒戴桐生
彥升明經

談經奪席尋常事如此華年我欲驚過目真成十行下
論才不啻萬人英漫勞馬價求唐肆已有鴻文麗漢京
鐵甕高樓石城水與君相對大江橫

祁孫輯安徽藝文志成作詩見示奉和一首

三年刻楮費冥搜坐看珊瑚鐵網收點鬼不妨同一簿
有神終與訂千秋壁中經自蠶叢得海底珠勞象罔求
昨夜奎光燭江介直須萬卷署高樓

和戴桐生喜雨

祈甘得甘膏響應在尺咫良苗一以蘇羣衆勃然起神
妙雖不測仁愛乃至理安知前愆期非因人事弛一聞
呼籲聲膚合未移晷卽此旋轉功天道信孔邇區區敬
愼心畏極曷敢喜西成會有期望澤殊未已

勸學示兒輩

天下佳山水安能一一到況生鄉曲閒境不越遊釣有
人彼中來或肯爲我告我當亟叩之冥心入幽奧某水
清且漣某山奇以峭某松蒼幾圍某石瘦幾竅雖未親
煙霞頗亦得形貌他日支孤筇恃此作先導奈何甘自

封罔顧坐井誚胸中有培塿乃不慕雲嶠眼底有潢汙
乃不想飛權結舌拒清言塞聰屏衆妙吾愛蘇子由上
書識體要終南太華河大觀會獨造

爲人題渭西別墅圖

塵外結幽棲林亭渭水西蘿雲歸近崦花雨暗前谿窟
室蘭成賦長鑣杜老題何時來步履萬卷展青緹

壽春鎮校閱事畢遂獲省視先塋紀

恩述德兼示諸父老四首

送穎入淮去行行馬首東芍陂涵遠水桂樹動秋風雞
犬千年後川原百戰中時平務休養亟爲築安豐

畫角鳴秋戍牙旗度曉關荒屯餘壁壘重鎮控湖山霜
冷弓刀肅風清草木閒側聞

寬大詔振旅已東還

無恙松楸古含悽拜墓門清芬誦先世舊德在祔孫族

翼通侯貴

明甯河王虹人吾宗則於永樂間自蘇州徙寶鳳陽非同族也

家惟素業存

寄言諸子姪珍重感

君恩

禾黍登豐歲枌榆是故鄉百年吾父老一夕此壺觴佩
犢風宜靖懸魚節敢忘漫勞誇畫錦仰止相州堂

渡淮

陪尾奔流下海門支祁夜嘯水雲昏羣山自帶鍾離國
斷絕猶環禹會邨枳橘蕭慘含石氣蠃魚浩蕩沒沙痕
長虹一堰東南棘好挾寒霜滌濁渾

曉度清流關

立馬萬峯頂恰當朝日升斷崖雲氣豁長薄露華澄秋
老花仍發農閒穀已登緣何致豐樂逕欲問廬陵

過全椒有懷吳山尊學士

池館秋陰黯不開聲華零落感鄒枚一時綰紵推名士
百戰壇場有霸才海上鵬搏殊未極江東鱸膾早歸來
人生竟作揚州死宿草蒙茸劇可哀

西梁山渡江

如闕雙峯氣勢尊中流映蕩闢天門長風直指鳩茲郭
曉日纔翻敷淺原弄月詞人何處所凌敲霸業不堪論
澄江好句分明在終古青山照黛痕

宣城

敬亭何縹緲惟見白雲低橘柚經霜老松杉出霧齊蒼
崖銜半郭淥水落雙谿欲訪詩人蹟南湖路已迷

涇川道中二絕

丹楓臨水爛朝霞果是涇川勝若耶小住籃輿話風物
野人旋淪雨前茶

仙峯秀削與雲齊，便引嵐光到水西。
雁齒虹橋三百尺，鯢魚聲裏過琴谿。

登玩華亭望九華山

女兒雲臺莫浪誇，奇情逕欲補皇媧。
天邊雁去摩蒼靄，江上龍歸幻碧霞。
細納須彌藏芥子，高扶迦葉坐蓮花。
幾時縮向壺中看，秋影屏山一道斜。

貴池道中二絕

秀石玲瓏翠黛橫，齊山當路最分明。
幽巖祕洞知多少，纔聽風聲又水聲。

秋浦煙波十里遙，沿隄多艤木蘭橈。
芙蓉萬朵臨妝鏡，

紅到城邊第四橋

戲作

我行東南來日食筍與鱗老饕嗜鄉味得此饒吻解秋
山萬个青琅玕秋水琴筑鳴空灘筠籃葦籩入小市行
廚花裏供朝餐錦綳斑斑出脫殼雪白雙螯趁霜剝橫
行直上肝肺間鬱怒空腸出芒角昨宵坦卧心大驚甲
冑拉雜戈矛撐已無挂腹五千卷但有羅胸十萬兵

看鞠分韻得秋字

元武湖西憶舊遊頻年弭節楚江頭可能釀酒供千日
不覺看花又一秋遠送寒濤歸北顧近招高隱過東流

停雲賓客皆同調
好好題詩上選樓

題八箴堂

纔薙榛蕪便改觀
糊窗墜壁事粗完
從知塗澤隨心易
大抵脩治樹骨難
花木向陽情性見
琴尊有節起居安
獨將座右箴銘揭
莫作匆匆傳舍看

官齋供鞠小有文酒之會爲賦此篇

一官束縛百不營
障眼文書劇交午
夙興判牘警清角
夜坐籌邊聽譙鼓
污人常辟元規塵
潤物每懷召公雨
采風奚用佩牛犢
行露何由消雀鼠
坐此叢憂鉤肺肝
豈有閒情戀居處
前者按部當仲秋
韎韐輕裘徵勁旅

不學車帷閉新婦頗事鞞刀馳快馬大將腰懸僕鏐箭
健兒臂挽思牢弩帳下軍聲誤鸛鵒行閒猛士圍貔虎
挂頤劍首藉看山踏徧江臯與淮浦歸來重九值佳節
徵碧秋光擔穹宇詩豪雖謝劉夢得座客豈讓桓宣武
幼安深坐藜牀穿李白汪倫自爲伍黃初舊識朝歌令
況有東陽瘦如許元方季方兄弟難我欲從之餘勇賈
小兒未敢希邁過也解牙牙學新語吾徒有德幸不孤
勝事乘時乃具舉竹西梧北堂三楹枝格相交雜榛莽
小築原來因樹爲重新祇待牽蘿補何須步障錦爭設
已似圍碁墅堪賭參軍菰鞠盈東籬益益分貽壓筐筥

花瓷錯雜設清供，熠熠秋容環老圃。
鶴翎鱗爪張作屏，姹紫嫣紅織成組。
始知愛花溯彭澤，祇是兒孫媚初祖。
凌晨拔幟登詩壇，向夕持籌鬥酒戶。
鎗光散比天星繁，劍氣騰如澗虹吐。
諸君難逢開口笑，渺渺西風更愁予。
不求哀樂有絲竹，但乞豐穰足禾黍。
建廈千閒廣芘寒，布金滿地輕揮土。
此時斗室生陽春，白紵重翻付歌舞。
送蕤浦回里卽和留別元韻

結客豈多事，看花殊費才。
頻將演雅句，笑對夕英開。
元鶴渡江去，青鸞何日來。
相逢故園侶，道我憶寒梅。

涉園有作

楊柳晚猶碧芙蓉寒不開秋聲到江盡暝色壓城來征
虜憶飛將防河思軼材慙余眇庭樹祇待詠官梅

定海陳生

福熙

過訪皖上賦此奉贈卽題其山亭

話別圖

昔我把麾甬江水君時方作張童子食牛虎氣殊縱橫
立鶴雞羣罕倫比識君家世舟山隈中書君名如春雷
尊甫蔭三舍人出朱文正

公名下自爲海外才子

大興相國甘謏士命爲海外

眞奇才憐君束髮卽孤露讀鑿楹書守緇素十歲工吟

鄴下詩九能頗擅登高賦一枝秀擢堂東花

府試拔生第一學使

試亦孫家姚夢童

浙

趙九皆菁華

皆同時拔擢者

屠生

第一

鄞

第一也

標可才名已大噪也來問字偕侯芭明年以憂解官去海
水蒼蒼碧雲暮相望時繙千佛經相思祇隔雙湖路孫
生得第學牽絲阜蓋來迎榜晉祠亦有小同屠生隨計
吏去年薜茷在京師惟君相憶不相見廿載流光疾如
電誤中偏逢博浪沙授經猶近延英殿生以副榜考取八旗教習彈
鋏非甘客孟嘗年年負米爲高堂偶逐征鴻過彭蠡竟
迴短櫂薄縱陽離情未信風波惡一夕相逢在官閣藻
思依然往日強柳條不似當年弱讀畫題詩舊感多人
生到處有關河榮名自保非遲暮更上蓬萊踏海波

餞秋和韻四首

旗亭醺酒點江波又送商飈一度過未免離憂懷屈宋
可能夕秀覓陰何短纓蕭颯隨風盡長劍飄零待雪磨
一自玉京人去後鴻泥蹤跡且由他

戎袞青女下孱顏流水斜陽路幾灣攜手河梁典屬國
傷心詞曲念家山鴉翻黃葉將辭樹燕曳紅襟又出關
差喜青門來祖道飄然猶見二疏還

團扇深恩未許留長門空自憶延秋折殘楊柳才揮手
采罷茱萸不上頭杜宇從來勸歸客蟬蛄那解訴離愁
邵平瓜蔓垂垂盡重向東陵別故侯

消息猶餘碩果存秋情去去赴春魂玉簫聲底題新怨

金盃原頭憶舊恩
燭尙有心傷杜牧
樹猶如此歎桓溫
茂陵自古工爲客
何處劉郎認爪痕

斫桂斧歌爲吳長卿壽

盤古開天仗頑鐵
共工頭觸金柯折
阿香收拾飛上天
踞獻豐隆驅列缺
一朝持授西河人
丁丁伐木無冬春
紅桂不僵藥不轉
顧兔失笑姮娥瞋
雲中招手語孫子
鑿空談天古如此
匆匆十二萬年中
木壽金堅數齡齒
明年選佛開廣場
戴匡珠斗輝文昌
斫取蟠枝種家術
黃金萬粟剪芬芳

哭房師米愼亭先生

一綰銅章萬事非
畫眉深淺與時違
黃金散盡家空破
白髮梳殘客不歸
遺愛猶應罷春相
弔喪誰爲解驂騑
招魂宋玉蕭條甚
欲問巫陽淚滿衣

昨得一大盤異之作詩以爲宜魚矣今日又以詩
來謂岐亭戒殺也賦此奉答

日日霜菰伴壺榼
豪情未足供歎歎
三言忽憶海大魚
亟揲靈蓍得噬嗑
方笑子公鼎染指
又學太常齋閉閣
曾聞香積啖天鵝
邨慮塔鈴驚怖鴿
獺祭新詩似鱗次
疾勝水梭花沓馭
知是先生有別腸
芻豢已厭嗜螺蛤

題懷遠許叔翹

所望

蔬圃詩文集三首

如此書生未易才萬言獻策在平臺
舅胡纓短招搖急爭看將軍揖客來

三河年少罷防秋拂袖歸畊澗水頭
齒冷扶風班定遠匆匆投筆爲封侯

哀豔能追錦瑟篇短衣射虎興猶偏
劍南豪氣樊南筆兼擅當時一輩賢

喜雪用東坡聚星堂韻和異之

朔吹蓬蓬散雲葉江南江北連番雪
蟬嫣三日尙悠然咳唾九天故奇絕
幾回顧影簾額重一笑從心屐齒折
元功頓使石田肥積氣翻愁火井滅
不聞譙樓溼鼓報

但見轆門凍旗掣階前擁吏踏成泥甕側呼朋爛生纈
亂飛未許著禪袂小步還疑布香屑籠頭紗帽任欹斜
刮目金鑕太飄瞥梁苑名流殊不減潁州往事猶能說
詩成倔强如寒梅疏蕊銜冰幹拗鐵

書適

幾樹冬青小院栽每因攤飯一徘徊月無滓穢當天出
雪報綏豐蓋地來不設機心從鳥宿愛看生意數花胎
良宵獨坐猶堪遣況有紅蓮庾杲才

問異之疾

時瘍生於項而足患疽甚以爲苦

聞君抱幽憂終日卧隱几方詫頭有角又怨腳有鬼車

輪曳踵緩玉枕伏犀起倒著子夏冠橫挖東郭屣先生
赫斯怒賤子色然喜知君解禪縛莫是舍利子愛君幽
人貞利用跛能履妒君績學富懸梁庶幾已笑君牀更
穿骹骹安可倚譙語勿復道爲君說名理內憂伏可虞
外患疾亦美墨子愛摩頂姬旦且薨尾大宅日浸淫小
體奚足齒摘詞當七發前言戲之耳

題孝女韓孝梅詩冊

并序

孝女姓韓氏名孝梅宛平人父某官知縣罷官
後貧且老諸兄館於外女矢志不嫁以養父母
父病禱於神願以身代父卒欲從死遇救不殊

母勸之乃忍死事母凡八年母卒絕粒十日死
瀕危作絕命詞三章其卒章甫吟二句而絕年
四十二兄保萬輯其遺詩得如干首

青青陵上柏鬱鬱南山阿穠華謝桃李不施薦與蘿靈
椿在前榮蠹蝕成瘵瘥相從願摧折安敢辭斧柯顧念
樹背諷怒焉聊蹉跎一朝萎霜霰之死矢靡他傷哉卷
施心豈復抽陽和哀吟發棠棣苦思悲蓼莪我哂彼冰雪
姿使人涕滂沱願言礪片石黃絹書曹娥

題陶學士掃雪烹茶圖

玉堂鈴索鄰宮闕碎玉琤璫響清越妖婢親收六出花

雛姬細乳小團月爲問將軍握虎符擁裘得似此情無
銷金帳裏羔兒酒敢笑粗人非丈夫臣門雖冷臣心熱
崇元殿上金甌缺依樣葫蘆袖底來問渠可解餐氈雪
八餅頭綱賜上卿貂蟬骨相悔生成彥回不作中書死
僵卧空山韻更清

題李委吹笛圖爲東坡作生日

公生丙子猶庚寅命宮磨蝎遭且屯九疑山色高嶙峋
不到無由弔湘君責置堅卧滄江濤江風山月相吐吞
歲在壬戌覽揆辰招邀郭古乘釣輪赤壁千尺寒沙痕
掠舟元鶴張車輪笛聲何處意態新隔船呼使來逡巡

進士紫裘冠青巾腰笛豈與俗工論敬製一曲侑一尊
一弄裂石再穿雲酒酣正色避席陳乞公詩句留芳芬
笑而諾之吟一篇騎鶴竟化蒼梧煙頰睇下界如微塵
吁嗟元豐時世艱九重虎豹守天門詩帳未了詩案冤
妻孥恚罵怖失魂文章悉付炬火焚斷縑殘素從飄零
李生卓越超等倫一十八字璆琳珍彼哉直定詈申申
排擠捃摭真憊人繫公羽化七百年形兒蛻去精氣存
上窮九天下九淵胎仙控御神翩翩瑤笙吹徹緱山巔
作詩壽公畏公聞再拜酹公玉崑崙雜薦肴核菹芳蓀
夜深喚起峩眉春

送平甫歸里用東坡送楊傑韻

君才芙蓉豔初日氣搏於菟雙手赤暫從東閣詠官梅
未到上林賦盧橘江上寒雲消九九琳琅詞筆頗黎酒
南風忽轉相風竿擊汰縱陽重揮手畫餅充飢事本虛
空囊睇眎一軒渠遄歸雖附衡陽雁避溼還爲習井魚
歸後慮爲逋負所逼此行卿自用卿法太白樓中覓勅
欲機舟采石度歲敵心情狡獪僧不知闔戶來觀詫奇客

歲暮登大觀亭用東坡臘日遊孤山韻

襟柘澗帶蓮湖清水塘上塵堞無英靈來往聞暗鳴髡
樹半槁寒禽呼旁有碧血埋妻孥陰風颯颯慘不娛我

來弔古當歲除羣山合沓江縈紆江山勝處開精廬曲
磴蟠曲孤亭孤微波漸欲弄新柳殘雪尙自搖衰蒲人
生七尺爲丈夫安能視蔭隨晨晡不作庾信小園賦合
張謝傳東山圖憑虛一嘯曠代餘梅花夢醒神遽遽詩
才媿謝詩仙逋江山如此手難摹

歲暮自題詩稿

一曲歌殘酒一后欲舉香草惜衰遲會無謝朓驚人句
頗有陶潛責子詩擊碎唾壺聊自許吟成錦瑟寄相思
捋髭今歲星星白又到官梅動興時

雙硯齋詩鈔卷十終

雙硯齋詩鈔卷十一

江甯 鄧廷楨 嶰筠

人日喜晴異之用高常侍寄杜拾遺韻見贈作此

奉答 戊子

青春七日來堂堂
翩如遊子還故鄉
晴雲在天豁倦眼
凍雪入麥紆飢腸
熙春未敢誇鳴豫
測景占風勞百慮
忽見檐梅點額紅
悠然省識春來處
歲歲年年一度春
難逢麗日踏芳塵
請登臨水三層閣
試看挑蔬幾隊人
春日漫興二首

條支西去賀蘭東
雪盡天山未挂弓
嵎虎窺籬邊月黑

篝火吹火孛星紅休兵已罷輪臺役傳箭應成瀚海功
傾耳玉門關外笛不教楊柳怨東風

河西四郡盡籓籬爭擁雲臺上將旗豈假渠酋通款貢
從來異域務羈縻仁聞轉粟軍聲壯若禁輸茶敵命危
帝澤如春天萬里宣威原不築鯨鯢

春雪

殷雷已啟蟄朔雪猶飄墀重陰積爲沴竊竊憂非時臘
雲喜霑足宿麥方華滋蒙穉畏戕賊毋乃傷卷施庭前
木芍藥縛草相護持充此補救心安能一一施農夫日
望歲造物豈不知齋心祝風伯亟爲回祥颺

漫興

陰雲弄春色緩緩到江城
池樹有新意禽無故聲曉
風花夢破暮雨酒情生
欲縱高樓眺何緣得快晴

回疆凱歌十首

高皇伐定紀神功
一萬殊疆尉候通

當宁

聖人繩

祖武龜熊邰得據河東

相臣威望重雲臺羽扇親麾八陣開
百萬花門羅拜處
馬前爭識令公來

仙石詩金 卷一
百戰聲威震鼓鼙樓船兩兩大名齊
中朝自有無雙將未必關西讓隴西

妖星前歲見機槍垂象分明虜亦當旗展蚩尤弓霹靂
眼看神箭射天狼

浩蕩

天兵下四城尙從徼外巧餘生朝來虎翼軍飛出赤手
屠將碧海鯨

登壇號令讐烏孫一戰生禽吐谷渾共道將軍天上下
居然元夜奪崑崙

捷書昨夜到甘泉香案前頭進奏牋

聖主聲靈大無外不誇琛寶貢和闐

羽林壯士唱刀鐙齊裹貂褕振旅還千騎桃花萬行柳
春風吹度玉門關

流沙險遠雪山深幾竭司農饋饑心從此輪臺置田卒
何勞日調萬黃金

飲至靈臺聽策勳句陳列位應星文上公主瓊通侯印
豹尾班中拜

五雲

春蔬四首

荼苦何如此味甘呼童挑取滿筠籃舊遊卻憶秦川樹

一路青青到漢南

齊

汀洲香氣雜蘭蓀滿地青青落漲痕好與蘆芽供晚飯

不須辛苦食河豚

萁蒿

一帶青蕪閒紫英定軍山下舊連營荒邨兒女挑蔬慣

也解南陽識大名

諸葛菜

漢家天馬度輪臺棧豆兼收異種來下箸忽思蔥嶺外

將軍新破大宛回

苜蓿

恭和

御製大兵生禽張格爾邊徼肅清大功告歲元韻

廟畧勤宣浹一年豈容逋寇喘偷延

聖神廣運能繩

祖討罰龔行乃奉

天將帥如飛馳絕徼渠酋鋌走據危巔攻心威震犁庭
後繫項功成獻歲前五等崇封蒙

澤渥三邊眾志比城堅朱干玉戚開

闔闔

大武同欽

七德全

八簾堂前手植牡丹四本今春盛開置酒賞之

破萼梅風後揚蕤縠雨前樓臺起平地瓔珞繪諸天青

瑣香初遞紅衫態轉妍
鴛機蘇蕙錦鳳紙薛濤箋
定子朝開臉楊妃夜凭肩
仙裙襞痕皺姊袖唾華鮮
張幄逢今夕封泥憶
去年金鴉勤薙草玉虎細澆泉
小院嚴魚鑰虛窗辟麝煙
留春眞爛漫帶笑故聯娟
值可中人產名宜貴客筵
新嬌多自寵遙妒得相憐
綵薦敷莞莢芳壓萋荃
珊瑚論尺碎瑪瑙簇盤圓
半醉扶頭酒頻釀
軟腳錢銀旛須護惜
慎莫著酥煎

感春引和異之

去年牡丹時看花花索莫
今年牡丹時看花花綽約
花容無悲愉人心有哀樂
哀樂一以中心爲物所縛
生者

無百歲安得不死藥不如讀南華天遊在六鑿年華從
代謝卉木任榮落有花直須看有酒直須酌盎然胸中
春鼓之萬物橐明月照江波溶溶泛花萼

宋子庭

翔鳳

博士得古鏡乃蜀王衍賜王承休妻

嚴氏物和祁孫作

迎仙殿裏鳴虬箭明星曉鏡勻妝面盤龍別照一枝花
比似青城山月豔爲憶秦州出閭中雲旗畫捲貪狼風
遙望錦官歸不得春魂又泣杜鵑紅後宮賸有薜蘿妾
七尺菱花閉香篋舞罷孤鸞一死輕甘心去化青陵蝶
莫道興亡劇可悲千秋流落有誰知卽今一片牆東影

曾與張郎照畫眉

王荇亭通政有蜀宮妝鏡歌爲張瘦

當日來天雄蓋卽此鏡則于
庭所藏當是舍人故物耳

麥啄

淮南麥千陂，細浪碧於水。
中有微禽啅，纖纖距與觜。
雉雖豈相求，鴛化母乃是。
高不搶枋榆，頻但拾稂穉。
鵲鼠飲易厭，鵲雛嚇自喜。
誰施艾如張，朝霧白瀾瀾。
頃刻羅罌置，儵忽入刀七。
晚春櫻筍廚，娟娟遭此多。
食新適所願，有物維其旨。
江東鮓黃雀，多脂味逾美。
披縣訝許同，櫻繳亦類此。
蜻蛉伏禍機，侏儒甘飽死。
曷不乘扶搖，無爲棲棘枳。
布穀何聞閒，但趣耕者起。

觀抱甕園水牕和異之

少小爲文章百斛瀉寒水拗怒不肯下欲蹴波瀾起茲
來看放牕壯觀適類此激湍聳鼉背腥涎激龍齒旋渦
深不測學海迅如駛歎倒萬馬羣安得有驥子

贈湘帆

爲君懸榻楚江濱待得君來又送春人事推排花有信
天心剝復果生仁文章已聽金聲擲骨相從看火色新
要紀元和天子聖好濡大筆莫逡巡

時方擬作西
疆凱還詩

朱烈女詩

并序

烈女名義娥甯國舉人朱元鼎之女一歲失乳

養於戚屬仙氏仙有子孫柳長於女二歲遂締
姻焉甲申春仙子與女皆出痘女愈而仙子殤
女不知也詢其姑姑以告女痛哭毀胸前痂盡
落姑慰之曰兒勿爾將撫若爲女且擇壻焉女
曰惡有門閥如兩家而再字者乎遂絕食二日
死年十歲其家以其殤也不以聞今年陸大令
始爲予言其事亟命有司具狀將以請於

朝而旌之并賦詩一章

結髮爲昏嫺白璧一雙瑳兩小故無猜大義識亦頗
罡風驚噩夢簫樓遽傾侈拊膺涕縱橫創血碧衫裏威姑

苦相勞此計毋乃左鵜鶘已共命安肯變果羸伏枕摧
肺肝引鏡截髻髻柔腸甘寸斷豈借蘿蔔火地下從童
烏匪石比礪礪行將達
天閭竊謂勿殤可

抱甕園雜詩六首

向曉拓虛齋目與衆芳遇新禽方變聲雜卉自成趣胸
中春盎然無去亦無住

衆春堂

出谷聽嚶鳴唐人已沿誤熠熠倉庚飛我愛東山句楊
柳青依依攜甘憩芳樹

聽鶯嫩

高樓縱遐矚在城如在野積氣走長江暝煙浮萬瓦遙

遙望千秋誰懷謝公者

北樓

迴闌亞字紅新漲
麴波翠一縱復一橫
跨水極幽致魚
聞拄杖聲鶴有歸巢意

雙橋

緒流傍山阿中有蒲菡萏
裊露朝便娟搖風夕蕭慘
伊人水一方相期愜幽覽

荷風浦

殘雨散秋陰皎月湧宵霽
欲上不上時多在梧桐際
天風吹縞衣星娥自含睇

梧月榭

憫雨

簷聲終夜響雷碩徧野
商羊舞欲狂直恐蛟龍翻地窟
何曾沆瀣酌天漿
半年生計愁漂麥五月時光待蒔秧

耳畔似聞呼籲急淮南民物最凋傷

中秋夜雨向晚放晴

一夜甘膏萬彙蘇侵晨雲氣尙模糊涼風向晚清冷過
皓月當天滓穢無江上露驚寒鶴夢淮南光滿躍蟾珠
吹開渾不勞絃管看取瓊樓近斗樞

賞桂和異之韻

何須龍腦熱熏籠金粟香飄鷲嶺風萬里秋來花滿樹
三更雲淨月當中題餽預借飴餉白是日鳳洲設具沽
有餅餌數器
酒頻傾瑪瑙紅未解聞香學禪定卻疑身住蕊珠宮

爲同年盛子履大士題人日題詩卷子

東風吹客聚河湄共擘巴牋紀歲時淮水綠生公路浦
梅花香入少陵詩一幡綵勝爭詞筆七種春蔬稱酒卮
鐙下披圖知健舉未應靈鞠惜衰遲

送同年韓春泉歸全椒

少小知君名春秋幸同舉瀛洲與鳳池簪筆命儔侶一
麾我出把君乃慕巖處前年持節來盈盈隔江渚拏舟

喜見過昔款絮相語鱣堂待君開典刑識鐘簴

時主講
敬敷書

院

三五聚同歲

同年查渠閣曹蘿峯
陸郝孫皆同官院上

吟嘯聞尊俎珠盤

玉敦閒我甘作邾莒題襟正云樂翺翔以容與忽憶謝

元暉巾車采幽阻

明年移主
宣州講席

留君不可住敬亭渺何所

登高載離觴茱萸雜拒枚幡然念淡交所重在心膂少
壯能幾時星星遽如許相期保歲寒毋爲歌激楚

九日與異之鳳洲香巖長卿抑山吟仙恆兒頤兒
爲登高之會拈卉木蟲鳥冠以秋字凡十八題
取重九之義余分得秋苔秋蝶

秋陰釀微雨鞠徑翠衣生青入寒蕪老黃鋪落葉平霜
清錢半蝕霧重繡難成莫向門前掃曾經送遠行

秋苔

北渚青蕪盡西園碧草寒蘋風吹夢冷蘭露得香難裙
怯金泥薄釵憐玉粉殘班姬題扇後無復戲輕紈

秋蝶

異之卽席賦七律一首奉和元韻

采徧茱萸水一涯不妨亭館似山家羣公蹤跡皆賓雁
老我心情愛晚花潮長樅陽詞客到適張虎兒自里中來尊開桑
落酒人譁題餒流盡秋齋壁留與他年護碧紗

九日集抱甕園賦詩甚歡翼日乃大風雨用惜抱

軒集中臘日次重九詩韻柬異之

侏儒飽死笑臣朔豈識天機謝彫斲吾儕相求重聲氣
不與鷩鷩競風颭各從領下抱驪珠那肯懷中藏鼠璞
舒州山水本奇絕我與君來錫雙卓昨逢重九秋氣清
共款園扉無剝啄登高姑一陟附婁矯首龍山青黛撲
風吹阜帽歌烏烏我亦相從如獵較文昌張虎兒昭諫羅

山躡跡至筮得朋簪手重握陸璣草木劇紛論郭璞蟲
魚更班駁須臾客去余就睡江上西風動清角明晨急
雨寒瀟瀟雲氣蒼黃溼寥邈側聞先生夜無寐吟聲非
夢亦非覺陰晴未許周髀算悲愉有似迷藏捉曠觀區
宇解先憂頰睇縹緲嗤獨學作詩摩壘再致師訓答勿
辭朋友數

爲王竹嶼觀察題黃河歸權圖用惜抱先生題葑
亭先生坐看雲起圖韻

治行第一傳浙西作郡六月烏臺躋平生豈熟河渠志
智珠在握神不迷黃河背負終南絡駭浪高與龍門齊

從此東流遂奔放中原潏蕩無山蹊稽天鉅浸孰疏播
明德遠矣思元圭使君舉帷集鴻雁太平樂職歌鳧鷖
菱槿不與爭尺剗瀕洞何由相勃谿秋霜微清瓠子塞
春水漸暖桃花低幡然忽念讀書處白鷺洲畔杭干哇
留君不住賦膏雨望君復出如雲霓津鼓鼕鼕布帆發
送者自佳風爲淒書畫依然一船載琴鶴無恙三年攜
繡衣朝辭王屋郡烏榜暮泊新亭隄方今

虞廷正咨岳東山那得容幽棲駐顏未可惜元髮躡足
會欲淩丹梯龍江煙雨雖堪戀莫信春深杜宇嘯

送異之計偕北上用惜抱先生柬王禹卿韻

君才百斛如原泉涌斷坤維六鼇動讀五千卷腸拄撐
容數百人腹空洞抱膝遽廬木雞養放眼煙霄阜雕縱
知君最蚤交最遲丙歲才能短檠共錐鋒兩兩互鏘鏤
驂服駢駢相罄鞚忘醜頗效東家贖有神似續池塘夢
平生益友愛直諒晨夕清譚雜規諷我攬椒蘭識信姱
君貪薦歎言殊衆方今百家正繁會簪箸紛拏各充棟
獨標名理發萌芽不逐厖言爭唵哢塵下庖丁看導窾
檣上張騫羞鑿空觸手文如翻水成激響琅琅清可誦
一旦飄然偕計車臨水登山黯相送肝膈深披翦寒燭
意氣重論倒新甕自言未信善鳴鳴此去豈矜先中中

一第非圖浮世榮九泉欲慰慈親慟請君破涕當爲笑
器博從來無近用急詔終膺漢室徵齋函邨屑功曹貢
萬里驍騰蒲類馬九苞文采軒轅鳳但念龍瞋家法在
毋忘夜半傳衣重經術應推董相醇治安不用長沙痛
祇我無朋嘆孤陋修名不立眞當恐期君獻賦日邊回
置酒江亭候僊從相將淥水泛紅蕖朗嘯長川聽喧闕
爲吳長卿題尊甫伯芬先生照

花氣晝冥冥天寒石壁青射蛟臺下路載鶴遠揚舲琴
韻生虛籟詩情落晚汀孤山不可到喚起豫章靈
冬不雨雪喧妍若春愀然有憂旱之意

迢迢霜信過清秋又見天西月一鉤林際何曾飛片玉
簷端久不綴疏旒當窗作草猶舉幔步履探梅未著裘
野老行田龜坼兆關心宿麥亮多憂

翼日遂雨

一首新詩抵咒龍起看江上暮陰重雨絲潤物渴微解
雲氣如人睡漸濃橐橐乍聽鄰巷屐冥冥欲閣寺樓鐘
朔風更與催滕六待檢尖叉門筆鋒

一品菜

廚人治具以羊豕雞鶩諸肉餽置一器不別設饌名曰一品菜

大人擁方丈粉黛滿前立日食費萬錢炙手熱難執朱
門酒肉臭陳死骨堪泣我愛膈納約一盞粉可裛彭亨

薦古鼎混沌卓圓笠能容下箸多不藉行炙急隻雞邀
近局大魚出幽蟄爛鴨非瓠壺蒸純謝乳汁釜雜瓶笙
鳴湯沃雪花溼竟聚侯鯖五不列眉據十芼以冰壺殖
羞以玉山粒或稱鄴侯衣嘉名輒相襲又比元章石狂
態欲長揖已矣且勿喧大嚼恣鯨吸作詩斷會昌恥爲
牙後拾

百果酒

家人以棗梨甘橘木瓜橄欖諸果浸酒
味甚香冽異之命曰百果酒約疊前韻

品酒如門草嘉名隨意立釀酒如合藥古方安可執新
篳報初熟暗聽銅瓶泣山果備種種清芬生裊裊封泥
撥餘灰裹箬破殘笠幽風秋實早宣州馳遞急僮以干

頭奴能令三蟲螫誰道紅鹽子輸與白蜜汁猿收霜隲
深蜂採露華涇譬之集佳士合一乃推十毋爭賢聖名
恰配陰陽粒溶溶玉色寒冉冉花氣襲燒香亂百和奉
爵肅三揖大勝督郵劣略似左相吸廣雅信手翻強韻
但俛拾

歲莫

晴雲披絮水流澌又是淮南臘盡時舊友肯來猶不俗
新詩欲作漸能遲撥槽誰遣唱紅頰覽鏡獨憐生白髭
江草江花似相識爭傳春信到階墀

春寒

己丑

東風吹冷渡江雲
灞霍峯高滯雁羣
柳未成煙纔半面
梅疑禁雪祇三分
搏冰應怯鸞綃薄
撥火真疑鴨鼎焚
如此遲遲春最好
不教容易惱司勳

正月十八夜大雪用尖叉韻

花萼離披竹葉纖
青春景物幻清嚴
易消豈待鴻留印
驟集依然馬負鹽
朔吹蓬蓬仍撼瓦
餘寒測測尙侵檐
雲山萬里真無際
但見迎江一塢尖

漠漠長空舞亂鴉
遙知縞帶定隨車
難尋匝地金鉤草
爲續前宵火樹花
新水料應盈四澤
溼煙聊喜上千家
時晴待啟遨頭宴
更與題詩鬥八叉

抱甕園

步屣暫窺園風微鳥雀喧春冰消曲澗殘雪帶陰垣攀
柳驚時序尋花愜笑言未妨成小憩晴日滿前軒

白山茶

盆供白山茶作花一枝瓣層層鋪貼如漿
不似寶珠之攢簇色正白而孚尹旁達殆

卽所謂
玉茗者

大我仙人發高詠新花唯見鶴頭丹臨川老子獨清絕
玉茗斜亞青琅玕瑤華一朵忽飛墮雪色直逼銀屏寒
碩人凝脂差可擬鬼工刻楮環無端庭前辛夷頓失素
政似魯縞羞齊紈相看不慮煞風景旋淪活水烹龍團

戲作俳體呈伯言山長

柳絲飛盡碧迢迢與客招攜度畫橋石上芳花勻姊裏

坐間香茗試哥窯大河佳話傳三變

異之謂伯言詩文凡三變

小海

新聲按六么腰笛不須煩李委南飛孤鶴睠青霄

是日值伯

言生

辰

覆試書院生徒文藝多可采覽欣然有作

三鱸堂啟近江濱風雨高樓幸及羣啖肉猶當甘說士

清尊重與細論文更無竽濫羞爲客且喜詩成足張軍

今歲都官作都講直從低首共諸君

是日以一生低首謝宣城命題

解舍三楹爲延賓之地湫隘晦闇殊不可居改作

船屋頓爾虛敞揭一詩於壁間

先生屋北宛邱寬也作江頭畫舫看隔院新桐垂乳細
拂簷脩竹弄梢寒爲開了烏延青靄如此委蛇媿素餐
我似浮屠三宿戀不妨乘興一憑闌

雨霽過抱甕園

江城雨歇氣猶涼白袷衣輕憩草堂三徑幽花相媚嫵
百年喬木獨青蒼自憐短綆才空負卻話長鑱計轉狂
滿地綠陰清似水吾生何處不滄浪

喜韋伯登第

卧聞高館擢翹材起看金花倦眼開
堦父終當縣布上毛生今竟處囊來

韋伯已四
上計車

也會塗抹如公等不負科

名定此才老子自誇能相士江樓一笑覆深杯

輓蔣沛翁霖遠員外

生死無端溝水流殘春風雨變清秋豈知示疾維摩詰

忽現前身戒比邱

沛翁但化之次夕示夢於母夫人祇衣金面跣趺而坐蓋其生有自來矣

不遣牛車證緣覺

佛家以牛車喻菩薩乘謂其能任重致遠沛翁才品俱勝而盛年萎謝不

竟其用良爲可惜

翻從鵬舍感牢愁屈伸臂頃真堪痛且覓三

幡問苾芻

紀吳長卿事

吳子方作書青蠅繞其指此曹不識字但解飲墨水誤
碧未生花化緇條滿紙先生赫斯怒攘臂裂眚起一摑

頽然僵再撲奄然死憧憧往來中毋乃非此豸剗腸而
扶胃餘瀋尙瀰瀰變怒忽爲笑得情能勿喜捕亡妙入
神麗法殊切理厥罪旣閱實警衆肆諸几令子睨而言
他日當如是不枉亦不縱辟乃以辟止安得廷尉平一
一皆視此先生曰不然未足達吾悵聽讒固非宜宣赦
詎爲美吾爲郅都鷹彼作朱翁子因小以喻大用懲墨
吏耳

夜坐納涼

羃歷桐陰晚玲瓏竹韻清露濃眠蝶重風細落螢輕夜
靜心多妙秋新感易生大田猶望澤惆悵暮霞明

中秋

江上雲陰散薄寒西風慵倚曲闌干可憐一種團圓月
官閣三年祇獨看

八月十八夜喜雨同異之長卿作

秋暑卽堪久秋陰忽已生涼雲蘇肺病密雨愜心情山
色朝浮閣江聲晚到城招攜叢桂裏更遲玉輪明

詠懷古蹟四首

射蛟臺

舳艫千里薄樅陽南嶽峯高顙盛唐便擬瑯琊驅海鯉
眞看弧矢墮天狼強弓定有麟膠續絕塞空傳雁帛長

江表荒臺獨憑弔龍髯何處白雲鄉

二喬故井

兜鍪夫壻各雄姿花發江東嫁未遲
斷粉零香猶自浣飄茵墮溷不同悲
雀臺遺恨魂歸後雞酒懷慙腹痛時
絕勝石頭城下路寒泉嗚咽泣胭脂

龍瞋山莊

蟾肪刻璽傳多識況是風流顧陸兼
自抱驅珠耽硯戶便營蝸殼貯牙籤
千秋文翰標青史一縣煙霞託素練
欲借墨禪堂畔住寒蕪滿地惜遲淹

清水塘

似鑑澄潭空復空孤臣抱石此身終江淮半壁資人傑
 風雨諸天送鬼雄一片陰燐秋水外全家智井暮煙中
 宛陵更有王孫在痛哭登陴抗節同宋德祐間元兵徇
出戰死贈直華文閣縣吏楊義忠率義兵戰死贈武功
大夫事見宋史瀛國公紀孤忠炳著禮祀闕如余撫安
徽據知縣阮文藻訓導沈欽韓牒
題請入祀忠義祠得旨俞允

剝解聯句三十二韻

盆菊羅秋芳同華堂結翠幄詩脾方博進梅曾亮酒戶思
 獵較鱸羹遠難期汪鉞稻豐先覺探著卦占離廷擊棗
 義同剝千錢不論蚨同萬選定期驚辛酸當料理曾亮尖
 團共商擁在釜暫爬沙鈞傾盆儵堆雪彼身藏介冑廷

我齒具斧斲卽復笑形模同急爲拭灑澗得雋乃叫呼

會試可頻把握指亂宵濟爭鈞脛破朝涉斲乍截葱根

斷延繼仿木楔椽桶底叩空空同劍首吹數數雙螯最

磊砢會雙手貲掎捫摸索鋒參差鈞含咀石卓犖緩舒

趙女鈎延剛折雄信槩參腴思噬臍同批導遂解殼腹

便當似邊會膏流肯效卓果然龜脫筒鈞熟甚鳥離殼

雌黃金在鎔延雄白玉出璞諸毛拔蒙茸同一禿棄齷

齷鯨吸味已醺會牛舐道始殼中虛河絕潢鈞對峙華

擘嶽分二室兩廂延揲四弧三角孔孔蜂房見同櫛櫛

雀倉啄擴清溝渠通會剔抉粟絲擢當筵疾銜枚鈞投

几響鳴匏香宜邨酒澆

廷楨

腥藉酈泉濯卻憐遊草泥

同

任意飽糲糲胥疏慕光耀

曾亮

躑躅被守捉壯夫休橫行

釣

吾輩且勸學胸中有甲兵

廷楨

小范風未邈

同

九月三十日第五子添蔭生

鐙花一穗夜窗青照見鈴旗下戶庭甚欲呶啞聞楚老

翻教遲暮弄添丁九年重聽徵蘭夢

四兒生九年矣

五樹居然

說桂馨祝汝友于無別語他時提挈守遺經

祁孫以正月十七日生子八月十四日復生一會

孫作詩見示奉和一首

繡襦瑤環一歲中態態吉夢祖孫同
蛩生蕭愿良爲壽

遲抱於菟未是翁芝玉庭階承素業芸香籤軸繼清風
春鐙節後看提印摩頂吾當作誌公

分詠得蚤

跳蟲等是么膺耳祭酒文猶說此曹每以公行誇蹕蹕
多緣躁進得脂膏騰身最疾疑犖踊著手微遲詫董逃
若使諧聲兼指事故應癢處又頻搔

分詠得枕是日爲長卿生辰

紅氍一角壓衾單便作羲皇上古看豔想何須留鄴下
浮名從不夢邯鄲清宜紙帳梅花瘦雅稱紗囊鞠蘂寒
華髮如君多道氣料應鴻寶受劉安

分詠得書套

扁舟江上載書回黃絹青綈費剪裁三疊包藏奇字在
四圍收拾古人來石芸熏處香成國帶草生時錦作堆
留與兒孫誇插架卻愁知闔不知開

分詠得歎壺

井華流潤上花枝手把蓮房宛倒垂鰲腹飲河容一勺
馬鬃行雨散千絲非關潑墨雲煙化且看跳珠咳唾隨
輸與龍公恣畝飲九州灑徧似無爲

壽趙琴士八十生日二首

皖上褰帷識使君桃花潭水一江分讐書有杖劉中壘

坐客無羶鄭廣文華路椎輪成信史

琴士與脩
安徽通志

吉金貞

石續前聞江南自昔多耆舊大雅如斯故不羣

聖主龍飛事夙求鶴書徵召邁時流早懷荆玉誰青眼
晚趣蒲輪已白頭辟咍兒孫看五代等身箸錄富千秋
春風會與扶鳩杖采徧華芝記十洲

分詠得煖耳

翩翩馬上怯生風爲護輕寒轉蔽聰聒處何妨從混沌
熱時終竟藉蒙戎不愁吹雪雙尖沒已失轟雷一竅通
有客生平白於面故應柱後珥貂豐

分詠得眉公饅

花樣新翻到粉養於陵姓字至今垂竭來三泖東余路
忽憶重陽小宋詩宰相堂餐朝局換山人食譜市兒知
秋鐙妙墨供幽賞寒具何妨設略遲

分詠得拈題

休將漫興寄詩情射覆分曹各主名出手得盧知我慣
超心鍊冶讓人精遊絲空際草難屬獨繭抽時花怒生
惟有樊南兼此興不教著眼大分明

里人寄瓢兒菜來分饌祁孫

石城艇子泝江來鄉味剛宜雪後佳春遠如梅堪寄隴
品高似橘不踰淮

此菜惟吾鄉有之好事者致其子去
初種猶略似明年則尋常白菜矣

黃金細碎心攢纈碧玉惺忪股折釵筐篋分貽非饋歲
知君食菜正清齋

夜坐聞韋伯將至

歲晚光陰下阪輪葭灰動後忽過旬寒林槭槭風欺鳥
小閣深深月就人問訊谿梅將破夢料量畦韭待嘗新
江樓日望瀛洲客要門清吟喚遠春

餞歲行

江城臘盡春遲遲濡毫試作餞歲詩再拜問歲君何之
我思遠將到天涯歲兮答拜前致詞君爲此言毋乃癡
常儀曜靈雙輪馳我以一氣相追隨叱咤龍象鞭蛟螭

流沙西去盡
巖蓬蓬又起
東海涓無去時亦無住時
大撓甲子始釣奇
闕逢困敦強華離三百六旬歲一期
如戶有限路有歧
較量新故生愉悲
長繩欲繫空爾爲
今夕小別清漏移
黃雞行復朝曦催
張鐙坐守喧幃帷
下視人世眞兒嬉
語罷歛忽乘輶輜
歆雲吐景搖旌旗
我聞斯語揚雙眉
急倒玉甕傾玻璃
金花鑪火善自持
跳丸轉轂從盈虧
歲來歲去渾不知
年年采筆抒芳蕤

雙硯齋詩鈔卷十一終